

## **ADYAYA I**

### **PURWAKA**

#### **1.1 Dadalan Pikobet**

Kurikulum inggih punika rancangan sane kaanggen tetujon rikala nglaksayang peplajahan, ring kurikulum punika madue pangrencana indik daging lan tata cara sane kaanggen penyelenggara nglaksanayang peplajahan mangda prasida katuju napi sane dados tetujon ring *pendidikan* punika. Undang-Undang Nomor 20 Tahun 2003 indik Sistem Pendidikan Nasional Pasal 1 butir 19 maosang, kurikulum punika kabaos *trek* utawi *jalur* sane kaanggen ring sekolah mangda prasida ngamolihang tetujon peplajahan. Ring Indonesia Kurikulum puniki sampun akeh wenten paubahannyane, sakadi wenten Kurikulum 1947, Kurikulum 1994, Kurikulum 2006, Kurikulum 2013, lan sane kaping untat kabaosang Kurikulum Merdeka sane kaanggen mangkin ring ranah pendidikan.

Kurikulum madue makudang-kudang kawigunannyane, sakadi kawigunan kurikulum majeng ring sisia inggih punika kaanggen ulengan rikala malajah, ring kawentenan kurikulum puniki sisia dados uning indik materi napi sane jagi kaplajahin miwah rikala kawentenan ujian sisia prasida ngwentenang materi-materi sane jagi kaplajahin. Yening kawigunannyane ring guru inggih punika kaanggen patokan sane patut majeng ring guru rikala guru punika ngajahin materi ring para sisiane sami. Yening majeng ring *kepala sekolah*, kurikulum madue kawigunan anggen pedoman pengelolaan ring sistem

kependidikannyane, lan kurikulum puniki malih kaanggen ngawasin kepala sekolah miyah indikator capaian peplajahan. Ring para rerama, kurikulum puniki kaanggen pedoman rikala ngawasin para sisia. Kawegedan sane kapolihang majeng ring rerama mangda prasida nabdabin pola didik sane kaanggen. Kawentenan akehnyane paobahan-paobahan kurikulum ring ranah pendidikan sane kaanggen nincapang kahanan ring peplajahan, riantukan punika kawentenan paobahan ring kurikulum silih sinunggil tata cara majeng ring instansi pendidikan mangda sekolah punika madue tetujon *pendidikan* sane becik, lan prasida dados *lulusan* sisia sane wikan.

Paobahan ring kurikulum ngawinang wentennyane akeh pikobet, minakadi wentennyane kapanggih sane senglad pantaraning daging-daging pamelajaran imbanyane ring buku paket Bahasa Bali Kusuma Sastra puniki kawentenan kapanggih pitaken-pitaken sane nenten anut sareng daging cerpen sane kasobiahang, nika ngawinang pastika panyawis sisiane iwang.

Kurikulum Merdeka Belajar pinaka kurikulum kebijakan anyar sakeng pemerintah matetujon ngamecikang kahanan pamelajaran, oih Badan Nasional Pendidikan kaaptiang sida nincap ring warsa 2022-2024. Kurikulum Merdeka Belajar teges ipun kurikulum sane ulengan pamelahane ring kasenengan (*minat*) miyah *bakat* sisia.

Yening manut Purwadi Sutanto, 2020:7, kurikulum merdeka madue artos kebijakan sane kakaryanin oih menteri pendidikan antuk kaanggen tetujon ring aspek kahanan pendidikan mangda ngewetuung sisia lan lulusan sane unggul mangda siaga nambakin pikobet ring warsa salanturnyane. Unteng sane kabaos Merdeka belajar inggih punika kemerdekaan pantaring papineh majeng ring

sisia miwah guru, Merdeka belajar nuntun kawentukan karakter sane merdeka mangda guru lan sisia prasida nincapang kaweruhan, sikap utawi karakter, miwah keterampilan ring wewidangan. Kawentenan merdeka belajar, mabuat pisan ring pendidikan abad 21, puniki ngranayang kurikulum merdeka belajar punika sane lakar memerdekan manusa sami (SDM) mangda prasida nincapang kaweruhannye tur mangda prasida *bersaing* ring kawentenan paobahan abad 21 puniki.

Malianan ring punika, merdeka belajar mabuat pisan ring sisia mangda seleg malajah lan prasida ngembangin raga, ngewentuk sikap sane eling ring wewidangan krama. Sane sedurungnyane, kurikulum puniki kasengguh Kurikulum Prototipe sane silih sinunggil pahan ring utsaha pemerintah antuk ngamolihang generasi penerus sane *kompeten* ring makudang-kudang widangan.

Kurikulum Merdeka madue paiketan sane raket ring Profil Pelajar Pancasila, santukan profil pelajar pancasila puniki prasida nincapang kawagedan sisia ring kasenengan (*minat*) miwah *bakat*. *Profil pelajar pancasila* inggih punika cihna karakter utawi kompetensi sane patut *diraih* oih sisia sane kadasarin antuk nilai-nilai Pancasila, kawigunan *profil pelajar pancasila* ring ranah pendidikan sekadi kaanggen tetujon lan visi indik kependidikan mangda prasida kauningin oih samian tenaga pendidik, kaanggen petunjuk ring kawentenan pengembangan karakter majeng ring guru lan sisia, miwah madue tetujon ring samian peplajahan, lan program sane wenten ring pasekolahan. Malianan punika, ring profil pelajar Pancasila madue nem dimensi utawi

elemennyané, inggih punika *beriman bertaqwá kepada Tuhan Yang Maha Esa, berkebhinekaan global, mandiri, gotong royong, bernalar kritis, miwah kreatif.*

Dudonan Tetujon Pamelajahan inggih punika tetujon peplajahan sane kasusun logis manut ring fase miwah undagan peplajahan ring arep miwah ring unggur fase peplajahannyane. Dudonan tetujon peplajahan prasida malih kaanggen panduan guru lan sisia rikala ngelaksanayang peplajahan, guru prasida nyusun dudonan tetujon peplajahan nganutin lan mangda pateh ring konteks lan nganutin sisia sane ka ampu, kawentenan dudonan tetujon pamelajahan mangda kasusun kronologis, mangda anut ring undagan peplajahan miwah galah-galah sane kawentenan, miwah pamerintah sampaun dagingin conto ring dudonan tetujon pamelajahan sane prasida kaanggen utawi prasida malih kabecikin olih sekolah .

Manut Permendikbud Nomor 8 Tahun 2016, buku teks inggih punika sumber utama sane kaanggen nincapang kawagedan sisia nglaksanayang peplajahan mangda prasida manut ring tetujon peplajahan Bahasa Bali, yening buku teks puniki sane kaanggen sarana penunjang utama rikala nglaksanayang peplajahan sapatutnyane buku teks puniki kasusun antuk tetujon-tetujon peplajahan sane wenten paiketannyane sareng kurikulum merdeka sane ngenenin indik tetujon ring *profil pelajar pancasila*.

Buku Teks utawi buku palajahan dados kabaos media peplajahan sane prasida kaanggen *penunjang* ring peplajahan. Buku teks puniki madue makudang-kudang unsur-unsurnyane, sekadi *materi pokok, cover buku, latihan, informasi pendukung, miwah penilaian* (Prastowo, 2013 : 175). (1) *Cover* buku inggih punika sarana sane kaanggen ngamolihang *informasi* sekadi murda

buku, pengarang buku, penerbit buku, miwah sane lianan, (2) *Materi pokok* inggih punika unsur buku kapertama sane madue *pokok materi*, buku puniki kasurat manut kurikulum. Buku sane kasurat mangda prasida ngicenin materi sane searah majeng ring konsep ilmu kependidikan. (3) *Informasi pendukung* ring buku teks patut kaimbuhin, krana kawentenan informasi pendukung punika kaanggen ngukuhin materi sane kabaosang utawi kasurat. (4) *Latihan*, kawentenan latihan sekadi soal-soal ring buku teks punika kaanggen *latihan* mangda napi materi sane sampun wenten punika prasida ngelatihin kawagedan para sisia indik materi sane sampun kaplajahin. (5) *Penilaian*, yening ring buku teks punika madue latihan soalnyane pastika buku teks punika madaging penilaian, rikala sisia punika sampun prasida nyawis soal sane wenten ring buku punika, polih uraian tata cara nglaksanayang penilaian sane patut kauningin oih guru.

Buku teks sane kabaos becik inggih punika buku teks sane madue aspek *motivasi* peplajahan, sekadi rikala iraga ngwacen buku peplajahan para sisia prasida termotivasi ngwacen buku mangda nenten kapaksaang oih gurunyane antuk ngwacen buku punika, selanturnyane kawigunan ring buku teks manut Prastowo, 2013 : 164, inggih punika buku kaanggen referensi utawi wahan rujukan oih para sisia, kaanggen wahan-wahan *evaluasi*, kaanggen alat wantu pendidik rikala nglaksanayang kurikulum, kaanggen penentu metode utawi teknik peplajahan sane kawigunayang oih pendidik, miwah prasida kaanggen sarana nincapang *karir* lan *jabatan*. Tetujon kawentenan buku teks inggih punika kaanggen para pendidik ring sajeroning ngaturang materi peplajahan majeng ring sisia, ngicenin para sisia mangda prasida melajahin peplajahan sane

durung karesepin, miwah ngiicenin materi peplajahan sane becik majeng ring para sisia, mangda sisia punika jemet malajah.

Ring buku sane kaanggen sarana utawi sumber peplajahan puniki kakepah dados kalih, sane kapertama wenten mawasta buku paket, lan buku penunjang sekadi LKS. Ring kekalih *buku penunjang* peplajahan puniki wenten kawigunannyane soang-soang lan daging ring buku paket miwah KLS madue daging buku sane malianan, sakewanten pokok *bahasan* materinyane kari pateh. Minakadi ring daging buku paket, akehan dagingnyane *materi-materi* kemanten, latihan soal-soalnyane sane akidik, yening ring *buku penunjang* KLSnyane akehan nelatarang *latihan-latihan soal*, miwah materi penunjangnyane akidik. Sekadi ring wastannyae LKS inggih punika buku sane madaging *lembar kerja siswa*, ring lembar kerja nika lakar prasida kaanggen ngasahin kaweruhan indik *materi-materi* sane kaplajahin oih para sisiane sami.

Yening buku paket inggih punika buku penunjang kapertama sane kaanggen acuan para sisia miwah guru sami rikala melajah ring sekolah. Tetilikan puniki nganggen Buku Palajahan Kusuma Sastra sane karipta oih Dr. Drs. Wayan Suardiana, M. Hum., sane kabaktayang oih para sisia kelas VII SMP.

Buku palajahan Basa Bali puniki kasusun manut ring kurikulum merdeka, daging utawi isin ring buku paket puniki maosang indik makudang-kudang *bahasan* sekadi, Gatra Bali, Pidarta, Aksara Bali ring *Software*, Ngwacen Aksara Bali, Paribasa Bali, Satua Bali, Cerpen, Puisi Bali Anyar, miwah sane kaping untad wenten Pupuh. Indik maosang ranah pendidikan pastika nenten dados kapisahin indik Kurikulum sane kanggen ulengan ring pendidikan.

Panilik nganggen tetilikan sakadi puniki santukan manut panilik buku teks utawi buku paket Basa Bali sane kaanggen oih para sisya lan guru ring SMPN 3 Singaraja punika, madue kekirangan, sakadi akehan daging ring bukunyane punika wenten soal utawi *lembar kerja siswa* sane nenten kasarengin materi sane wenten ring buku punika, miyah akehan paajahan indik materi-materi kemanten, indik soal-soal sane akidik. Buku paket Basa Bali puniki titiang selehin krana ring SMPN 3 Singaraja buku sane kaanggen *penunjang* peplajahan wantah buku paket puniki kemanten, miyah nenten kawentenan buku sane lianan sedaki LKS. Lianan ring punika, tetilikan puniki nenten ja tetilikan sane kapertama ngenenin indik buku paket Basa Bali. Tetilikan sane madue paiketan ring buku paket Basa Bali sajeroning sane wenten sampun naenin kalaksanayang sedurungnyane sekadi tetilikan kapertama oih Ni Kadek Mita Apriyanti nilikin indik Seseleh Wangun lan Guna Sarat Paajah-Ajah Karakter Sajeroning Satua ring Buku Pangkaja Sari (2015), ring tetilikan puniki penilik maosang indik unsur intrinsik miyah unsur ekstrinsik satua sane wenten ring buku paket pangkaja sari. Tetilikan kaping kalih oih Ni Luh Putu Yogi Indus Pratiwi indik Kaiwangan Kosabasa Ri Sajeroning Buku Mekar Wangi SMP Kelas VII Sane Kaanggen Ring SMPN 2 Gerokgak (2016), ring tetilikan punika kabaosang yening ring buku paket mekar wangi punika wenten kaiwangan-kaiwangan ri kala nyurat kosabasa-kosabasa, miyah ring buku punika nenten madue imba-imba soal indik materi sane kasobiahang.

## **1.2 Ngrereh Pikobet**

Manut saking dadalan pikobet sane sampun kasurat ring ajeng lan panilik sampun ngewacen Buku Paket sane kaanggen media ri kala ngelaksanayang panilikan puniki, dadosnyane panilik prasida ngewangun indik makudang-kudang pikobet sane prasida kapanggihin sakadi : (a.) Kirangnyane *pemahaman* para guru indik Buku Paket sekadi buku penunjang peplajahan Basa Bali sane kaanggen ring SMPN 3 Singaraja , (b.) Kirangnyane *pemahaman* para guru indik kawentenan daging buku sane nenten anut (nenten akurat), miwah (c.) Akehan para guru sane kirang nyingakin (*memperhatikan*) kaiwangan daging buku paket sane kaanggen penunjang peplajahan punika, miwah (d.) Buku sane kaanggen kirang madaging conto-conto sane akeh ring materi sane kasobyahang.

## **1.3 Ngwatesin Pikobet**

Ring tetilikan sane lagi kalaksanayang olih panilik puniki, panilik nureksain indik pikobet sane sampun kapolihang. Pikobet punika panilik kawatesin krana kabanda antuk galah tetilikan, miwah panilik ngecenin galah majeng ring panilik sane lianan mangda prasida nilikin malih miwah nyangkepin panilikan sane katilikin mangkin, miwah parindikan-parindikan sane tiosan. Malarapan antuk punika, pikobet sane pacang katelebin ring tetilikan puniki inggih punika daging buku Basa Bali kusuma sastra, panulisan kruna-kruna ring buku palajahan Basa Bali kusuma sastra sane kari iwang, tur para guru nguningin kaiwangan sane wenten ring daging buku palajahan Basa Bali kusuma sastra.

#### **1.4 Bantang Pikobet**

Sane sampun kabaosang ring dadalan pikobet punika, dadosnyane kawentenan bantang pikobet sakadi ring sor puniki :

- a. Sapunapi kawentenan daging buku paket Basa Bali Kusuma Sastra kelas VII ring SMP Negeri 3 Singaraja nganutin ?
- b. Kaiwangan napi manten sane wenten ring daging buku paket Basa Bali Kusuma Sastra kelas VII ring SMP Negeri 3 Singaraja nganutin?
- c. Sapunapi panampen guru ring daging buku paket Basa Bali Kusuma Sastra kelas VII ring SMP Negeri 3 Singaraja ?

#### **1.5 Tetujon Tetilikan**

Tetujon ring tetilikan punika, inggih punika :

- a. Mangda prasida nelatarang kawentenan daging buku paket Basa Bali Kusuma Sastra kelas VII ring SMP Negeri 3 Singaraja nganutin Kurikulum Merdeka.
- b. Mangda prasida nelatarang kaiwangan sane wenten ring daging buku paket Basa Bali Kusuma Sastra kelas VII ring SMP Negeri 3 Singaraja nganutin Kurikulum Merdeka.
- c. Mangda prasida nelatarang panampen guru ring daging buku paket Bassa Bali Kusuma Sastra kelas VII ring SMP Negeri 3 Singaraja nganutin Kurikulum Merdeka.

## 1.6 Kawigunan Tetilikan

Ring tetilikan puniki madue kalih kawigunan sekadi ring sor puniki :

a. Kawigunan Pamucuk

Tetilikan puniki mangda prasida kaanggen ngembangin buku punika, miyah kaiwangan-kaiwangan sane wenten ring buku mangda gelis kabecikin, mangda buku punika setata becik rikala kaanggen *penunjang* Peplajahan Bahasa Bali ring sisia kelas VII.

b. Kawigunan Praktis

Kawigunan praktis punika mangda prasida kaanggen majeng ring penilik, guru, miyah penilik salanturnyane.

- Majeng ring Penilik

Tetilikan puniki mangda prasida ngicenin papinehan sane anyar ring penilik indik tetilikan buku paket Basa Bali, miyah mangda penilik uning indik kawentenan daging buku ring buku paket sane katilikin punika.

- Majeng ring Guru

Kawentenan tetilikan puniki mangda prasida guru-guru punika uning indik daging buku sane kaanggen buku *penunjang* sisia sekadi niki, lan napike buku punika sampun patut kaanggen rikala peplajahan Basa Bali.

- Majeng ring Sisia

Majeng ring sisia mangda prasida madue *sikap* sane *kritis* indik malajahim samian daging buku paket punika, lan sisia prasida nganggen buku paket Bahasa Bali puniki sekadi *media penunjang* kapertama ring peplajahan Bahasa Bali ring sekolah.

- Majeng ring Panilik selanturnyane

Mangda panilik sane lianan prasida malih nilikin indik kapatutan daging buku paket Bahasa Bali puniki, lan prasida ngamolihang seseleh-seseleh sane anyar.

